



Universitätsbibliothek Paderborn

Biennii Peripatetici

Complectens Quæstiones Logicales Una Cum Institutionibus Dialecticis Ad
Antiquorum Recentiorumque Mentem Resolutas, Nec Non Juxta Modernam
Scholarum Peripateticarum Methodum Elaboratas & Explicatas

Kretz, Marquard

Heripoli, 1749

§. 3. An unus actus possit esse verior, vel falsior altero?

[urn:nbn:de:hbz:466:1-52248](#)

§. III.

An unus actus possit esse verior, vel falsior altero?

490. *Nota.* Non quæritur: An unus actus possit verior esse *radicaliter*; certum enim est, actus Dei, & actus supernaturales fidei, ratione principii, vel etiam ratione objecti veriores esse actibus humanis, quorum principium fallibile est, vel objectum contingens. Nec quæritur: an actus verior esse possit altero, aut falsior *extensivè*; nulli enim dubium est, quod actus dicens, viginti currunt, ex supposito, quod 30. currant, propius accedat ad verum, quam actus dicens, decem currunt. *Status proinde questionis est:* An veritas, vel falsitas *formaliter*, & *intensivè* suscipiat magis, & minus? sive, an unus actus *intensivè*, & *formaliter* verior, aut falsior esse possit altero?

491. *Dico.* Nec veritas, nec falsitas suscipit magis, & minus. *Ratio primæ partis est:* Quia veritas formalis est adæquata, & omnimoda conformitas actus cum objecto sic se habente; nam actus ut verus sit, eodem prorsus modo repræsentare debet objectum, quo illud se habet; sed adæquata & omnimoda conformitas cum objecto sic se habente non suscipit magis, & minus; aliás esset adæquata conformitas, & non esset; ergo. *Ratio secundæ partis est:* Quia falsitas consistit in diffinitate actus cum objecto, ut est in se, sive in carentia omnimodæ conformitatis cum objecto, ut est in

in se; sed carentia omnimodæ conformitatis non suscipit magis, & minus: Nam, ex supposito, quod decem currentibus actus unus assertat: novem tantum currunt; alter vero dicat: quinque tantum currunt; uterque falsus est, non ideo præcisè, quia unus affirmat cursum novem hominum, & alter cursum hominum quinque; sed ideo, quia uterque actus numerum denarium à cursu excludit, id quod uterque æqualiter præstat; igitur tota diversitas inter ejusmodi actus materialis tantum est, & extensiva, quatenus prior ad plura se objecta extendit, posterior ad pauciora.

492. *Obj. 1. contra imam partem.* Omnis qualitas suscipit magis & minus; sed veritas est qualitas; ergo. *R. 1.* Majorem falsam esse, constat ex n. 403. *R. 2. D. maj.* Omnis qualitas physica, quæ est per gradus augibilis. *C.* Etiam qualitas metaphysica, & resultans in actu, ex sic se habentia objecti, qualis est veritas. *N. Inst. 1.* Unus actus potest esse melior, certior, & evidenter altero; ergo etiam verior. *R. N. Conf. Disp. est:* Quia bonitas non tantum desumitur à conformitate cum regula morum, sed etiam dependet à circumstantiis, à fervore operantis, ab intentione &c. quæ crescere possunt. *Certitudo* autem non est necessariò omnimoda adhaesio ad objectum, sed ob motiva, & rationes jam plures jam pauciores, jam graviores, jam minus graves incrementum suscipit. *Evidentia* denique non est necessariò summa claritas; sed sicut objectum jam clarius, jam minus clarè

clarè proponi intellectui potest ; ita etiam evidētia jam clarior , jam minùs clara esse potest Econtrà veritas est omnimoda conformitas actus cum objecto sic se habente ; quæ certè magis & minùs non suscipit , aliàs non erit omnimoda. *Inst. 2.* Potest unus actus esse perfection altero ; ergo & verior. *R. D. Ant.* In iis, qua admittunt incrementum C. quæ incrementum non admittunt. *N.* *Inst. 3.* Hi actus : Deus est : *Christus est verè realiter præsens in Eucharistia* ; sunt veriores , quām hi : *Petrus existit Turca à Persis vicitus est &c.* ergo. *R. D. Ant.* Sunt veriores radicaliter ratione principii , ve objecti C. *Formaliter N.* Eodem modo actus quo Deus dicit : *Petrus pervenit ad cælum* verior est radicaliter , quām actus , quo id ipsum sempronius v. g. affirmat , non autem formaliter. *Inst. 4.* Actus dicens : *Canis est animal latrabile* , verior est , quām actus dicens : *Canis est animal* , ergo. *R. D. Ant.* Verior est intensivè & formaliter. *N.* Verior est extensivè , quia plures formalitates objecti exprimit. C. *Inst. 5.* Præmissæ sunt veriores , quām conclusio ; quia hæc vera est propter præmissas ; *Propter quod autem unumquodque tale , illud magis tale* ; ergo. *R. D. Ant.* Sunt veriores causaliter C. formaliter. *N.* Eodem modo explicandum est allatum axioma. Alii dicunt , illud intelligendum dunt taxat esse de causa finali , quia finis magis diligitur , quām media , quæ ad finem consequendum adhibentur , & propter eum diliguntur. *Inst. 6.* Actus verus est imago , & similitudo ob-

objecti, sed una imago potest objecto esse conformior; ergo. *R. D. Maj.* Est imago, & similitudo adæquata, & omnimoda C. inadæquata, & aliqualis. N. *Inst. 7.* Falsitas, & veritas sunt contraria; sed hæc suscipiunt magis & minus; ergo. *R. D. Maj.* Sunt contraria physica, quæ fiunt per additionem gradus ad gradum N. sunt contraria logica. C.

493. *Obj. 2. contra 2dam partem.* Unum mendacium est majus altero; ergo & unus actus falsior altero. *R. D. Ant.* Est majus altero philosophicè N. moraliter, & Theologicè ratione culpæ, vel damni, vel aliarum circumstantiarum, à quibus in moralibus etiam desumitur malitia actus. C. Ad hæc mentiri, & falsum dicere non est omnino idem; mendacium enim est locutio contra mentem; Actus vero dicitur falsus, si enuntiet aliter, ac objectum est in se. *Inst. 1.* Una propositio falsa esse potest ex pluribus capitibus, quam altera; ergo erit falsior. *R.* Sequitur tantum, quod esset falsior extensivè, vel radicaliter; non autem intensivè, & formaliter. *Inst. 2.* Falsitas est inæqualitas; sed inæqualitas suscipit magis & minus; ergo & veritas. *R. 1. N. Maj.* Inæqualitas enim convenit quantitati; sed falsitas non est quantitas, sed qualitas propositionis. *R. 2.* Etiam minor falsa est; licet enim inæqualitas extensivè magis & minus suscipiat, non tamen intensivè. Ut dictum est n. 400.